



Credit per la sanaziun dil parcadi Claustra

M E S S A D I


dalla suprastanza communal a al cussegl da vischnaunca

Stimau signur president
Preziadas signuras cusseglieras
Preziai signurs cussegliers

Ils 3 da mars 2013 ha la cuminonza dils votants snegau il credit da frs. 380'000.-- per ina sanaziun cumpleta dil parcadi Claustra (entochen la primavera 2013 numnaus parcadi Centrum). Quella sanaziun era ponderada da cumbinar cun las lavurs per la sanaziun dil stradun cantunal che occuoran dapi il 2012 e cuozan enfin la primavera 2014. Ina sanaziun comunabla havess dau la puseivladad da nezegiar sinergias dils dus projects, denton san ils dus projects vegnir separai cumpleinamein in da l'auter.

A caschun dalla votaziun dil mars 2013 ed era silsuenter han ins adina puspei udiu, ch'ei vegni beneventau ina sanaziun moderada, denton negins projects en la dimensiun presentada. La ponderaziun digl anteriur project era da crear quei spazi public pli attractivs pils visitaders da nies vitg e dalla claustra ed aschia animar era da far in paus pli liung ni era returnar a Mustér. Vinavon era previu da crear la pusseivladad da parcar sis bus da personas.

Sin basa dallas discussiuns occurridas vegn la suprastanza alla conclusiun da presentar danovamein la fatschenta al parlament communal. Quei fa ella cun suttametter duas variantas per la sanaziun dil parcadi Claustra.



1. Varianta "Cuvrida fina"

Sco menziunau el messadi per la votaziun dils 3 da mars 2013 cuosta ina sanaziun sempla dalla surfatscha catramada (ca. 1'250 m²) il suandont:

Lavurs d'impresari	frs.	12'000
Lavurs da marcaziun	frs.	8'000
Lavurs da catram	frs.	65'000
Project, cuosts accessoris, nunprevediu, TPV	frs.	<u>20'000</u>
Total varianta "Cuvrida fina"	frs.	105'000

2. Varianta "Cuvrida fina e sanaziun edifecis"

La varianta dus preveda, sper la sanaziun dalla cuvrida fina supplementarmein la sanaziun dil baghetg sanitar ed il plazzal per rimnar ils rumians che sesanfla sper las tualettas publicas. Al baghetg existent vegn dau ina nova cumparsa ed ils rumians (veider, rumians da casa) vegnan mess sut tetg. Aschia dat ei in niev edifeci e quei en

coordinaziun cun l'erecziun da novas garaschas per la Casa Sontget che vegnan realisadas dalla Claustra benedictina. Ils cuosts per quella sanaziun muntan:

1	Lavurs d'impressari	frs.	84'000.
2	Lavurs da marcaziun	frs.	8'000
3	Lavurs da catram	frs.	66'000
4	Project, cuosts access., nunprevediu, TPV	frs.	<u>34'000</u>
Total varianta "Cuvrida fina e sanaziun edifecis"			frs. 192'000

3. Ponderaziuns finalas

La grondezia dil parcadi resta sco tochen dacheu. Il project preveda negin engrondiment dalla surfatscha da parcar. Per ils autocars stattan vinavon dus plazs encunter ost a disposiziun. Cunquei che la Claustra realisescha quater garaschas per la Casa Sontget, croda il dretg per treis parcadis. En connex cun la sanaziun ponderescha la vischnaunca d'endrizzar in tancadi per automobils electricas. Quella installaziun fuss prevedida gest sper il baghetg sanitar. Las lavurs duessen vegnir exequidas el decuors dalla primavera 2014.

2014 festivescha la Claustra benedictina il giubileum da 1400 onns. Igl onn festiv cuoza naven da S. Giusep (19 da mars 2014) entochen S. Martin (11 da november 2014). Cun la terminaziun digl onn festiv entscheiva la sanaziun dalla baselgia claustrala. Era a vesta dallas ulteriuras investiziuns previdas (p.ex. plaz avon il pierti) eis ei impurtont ch'il parcadi Claustra sepresenti en in dign vestgiu.

4. Proposta

La suprastonza communal

propo na

al cussegl da vischnaunca da conceder per la sanaziun dil parcadi Claustra in credit da frs. 192'000.

Suprastonza communal Disentis/Mustér
Il president: Il canzlist:


Francestg Cajacob


Andri Hendry

Disentis/Mustér, ils 24 da settember 2013